



ფუნქციონირების დროებითი რეგულირების წესისა“ და „მაჭახელას ეროვნული პარკის ფუნქციონირების დროებითი რეგულირების წესის“ დამტკიცების თაობაზე“.

2. დადგენილების პირველ მუხლს დაემატოს შემდეგი შინაარსის „ჟ“ ქვეპუნქტი:

„ჟ) „მაჭახელას ეროვნული პარკის ფუნქციონირების დროებითი რეგულირების წესი“ (დანართი 16).“.

3. დადგენილებას დაემატოს თანდართული „ტექნიკური რეგლამენტი – მაჭახელას ეროვნული პარკის ფუნქციონირების დროებითი რეგულირების წესი“ (დანართი 16).“.

მუხლი 2

დადგენილება ამოქმედდეს გამოქვეყნებისთანავე.

პრემიერ-მინისტრი

ირაკლი ღარიბაშვილი

„დანართი 16

ტექნიკური რეგლამენტი – მაჭახელას ეროვნული პარკის ფუნქციონირების დროებითი რეგულირების წესი

მუხლი 1. ზოგადი დებულებანი

1. „მაჭახელას ეროვნული პარკის შესახებ“ საქართველოს კანონის პირველი მუხლის შესაბამისად, დროებით საზღვრებში დამტკიცდა „მაჭახელას ეროვნული პარკი“ ხელვაჩაურის ყოფილი სატყეო მეურნეობის, ხელვაჩაურის ყოფილი სამეურნეობათაშორისო სატყეო მეურნეობისა და ქედის ყოფილი სამეურნეობათაშორისო სატყეო მეურნეობის სახელმწიფო ტყის ფონდის მიწების ნაწილის ბაზაზე. „მაჭახელას ეროვნული პარკის“ შექმნის მთავარი მიზანია აჭარის ავტონომიური რესპუბლიკის უნიკალური ბიოლოგიური და ლანდშაფტური მრავალფეროვნების შენარჩუნების, კოლხური ტყეების ეკოსისტემების გრძელვადიანი დაცვის, ეკოლოგიური უსაფრთხოებისა და ბუნებრივ გარემოში ტურისტული და რეკრეაციული საქმიანობის განვითარების უზრუნველყოფა.

2. „მაჭახელას ეროვნული პარკის ფუნქციონირების დროებითი რეგულირების წესი“ წარმოადგენს „დაცული ტერიტორიების სისტემის შესახებ“ საქართველოს კანონის მე-20 მუხლის მე-7 პუნქტით განსაზღვრულ დოკუმენტს, რომლის მოქმედების ვადა განისაზღვრება მაჭახელას ეროვნული პარკის მენეჯმენტის გეგმის დამტკიცებამდე და წარმოადგენს მაჭახელას ეროვნული პარკის დაშვებული და აკრძალული საქმიანობით განსაზღვრულ და სამენეჯმენტო ქმედებებით დაგეგმილ დროებით სახელმძღვანელო დოკუმენტს.

მუხლი 2. მაჭახელას ეროვნული პარკის დროებითი რეგულირების წესების რეგულირების სფერო

მაჭახელას ეროვნული პარკის ფუნქციონირების დროებითი რეგულირების წესები არეგულირებს მაჭახელას ეროვნული პარკის ადმინისტრაციისათვის აჭარის ავტონომიურ რესპუბლიკაში, ხელვაჩაურისა და ქედის მუნიციპალიტეტების ადმინისტრაციული საზღვრების ფარგლებში, 8 733 ჰექტარ ფართობზე, მაჭახელას ეროვნულ პარკში არსებული ბუნებრივი რესურსების დაცვისა და გამოყენების სამართლებრივ საკითხებს.

მუხლი 3. მაჭახელას ეროვნული პარკის ფუნქციონირების დროებითი რეგულირების წესის ძირითადი მიზნები და ამოცანები

1. ფუნქციონირების დროებითი რეგულირების წესის ძირითადი მიზნებია:

ა) მაჭახელას ეროვნული პარკის ტერიტორიის ტერიტორიულ-ფუნქციონალური ორგანიზაციის, მასზე არსებული ბუნებრივი რესურსების დაცვის, ამ რესურსების გამოყენების, აგრეთვე საქართველოს კანონმდებლობით დაშვებული სხვა საქმიანობის განვითარების საკითხების სამართლებრივი მოწესრიგების გზით, უზრუნველყოს მაჭახელას ეროვნული პარკის დაფუძნება და ეროვნული პარკის ადმინისტრაციისათვის სამართავი მექანიზმის ჩამოყალიბება;

ბ) მაჭახელას ეროვნულ პარკში ეკოტურიზმის, ეკოლოგიური განათლებისა და რეკრეაციის სფეროში შესაძლებლობათა ზრდისათვის ხელშეწყობა.

2. ფუნქციონირების დროებითი რეგულირების წესის ძირითადი ამოცანებია:

ა) ბუნებრივი პროცესების უწყვეტი განვითარების უზრუნველსაყოფად, ხელი შეუწყოს მაჭახელას ეროვნული პარკის ტერიტორიის ბიოლოგიური მრავალფეროვნებით გამორჩეული, ბუნებრივი და სახეცვლილი უბნების დაცვასა და აღდგენას;



ბ) უზრუნველყოს ეროვნული პარკის ბუნებრივი ეკოსისტემების, ლანდშაფტების, ცხოველთა და მცენარეთა სამყაროს, განსაკუთრებით – საფრთხის წინაშე მყოფ მცენარეთა და ცხოველთა გენოფონდის დაცვა, აღდგენა და ბიოლოგიური მრავალფეროვნების შენარჩუნება;

გ) ხელი შეუწყოს ბუნებრივ და ისტორიულ-კულტურულ გარემოში რეკრეაციის, ტურიზმისა და სოფლის მეურნეობის მდგრადი განვითარებისათვის ხელსაყრელი პირობების შექმნას ეროვნული პარკის ტერიტორიაზე;

დ) მაჭახელას ეროვნული პარკის ფარგლებში უზრუნველყოს მიწის, წყლის, ცხოველთა და მცენარეთა სამყაროს (მათ შორის, ტყეების) და სხვა ბუნებრივი რესურსების მოვლა, დაცვა, აღდგენა და ამ რესურსებით რაციონალური სარგებლობა. განათლებისა და მეცნიერული კვლევა-ძიებისათვის ხელსაყრელი პირობების შექმნა. ისტორიულ-კულტურული ლანდშაფტებისა და ძეგლების დაცვა. წყლის ობიექტების ბუნებრივი ბიოეკოლოგიური რეჟიმის დაცვა.

მუხლი 4. მაჭახელას ეროვნული პარკის ტერიტორიის მდებარეობა და საერთო ფართობი

მაჭახელას ეროვნული პარკი მოიცავს აჭარის ავტონომიურ რესპუბლიკაში არსებული სსიპ – აჭარის სატყეო სააგენტოს გამგებლობაში არსებული სახელმწიფო ტყის ფონდის მიწებს, საერთო ფართობით – 8733 ჰა. პარკის საზღვრები განსაზღვრულია „მაჭახელას ეროვნული პარკის შესახებ“ საქართველოს კანონის პირველი და მე-2 მუხლების თანახმად.

მუხლი 5. მაჭახელას ეროვნული პარკის ტერიტორიის ტერიტორიულ-ფუნქციონალური ორგანიზაცია

მაჭახელას ეროვნული პარკის ტერიტორიის ტერიტორიულ-ფუნქციონალური ორგანიზაცია ეფუძნება „დაცული ტერიტორიების სისტემის შესახებ“ საქართველოს კანონით დადგენილ დაცული ტერიტორიების ზონირებას, რომლის შესაბამისად, ეროვნულ პარკში, კანონით დადგენილი საზღვრების ფარგლებში, შეიძლება, მოეწყოს (გამოიყოს) ამავე კანონით განსაზღვრული ტერიტორიულ-ფუნქციონალური ზონა/ზონები.

მუხლი 6. მაჭახელას ეროვნული პარკის ტერიტორიის ზონირება

გარემოსდაცვითი ძირითადი მიზნების, რესურსებით სარგებლობისა და „დაცული ტერიტორიების სისტემის შესახებ“ საქართველოს კანონის მე-5 მუხლის გათვალისწინებით, მაჭახელას ეროვნული პარკის ტერიტორიაზე გამოყოფილია შემდეგი ზონები:

ა) ბუნების მკაცრი დაცვის ზონა;

ბ) მართვადი დაცვის ზონა;

გ) ტრადიციული გამოყენების ზონა.

მუხლი 7. მაჭახელას ეროვნული პარკის ბუნების მკაცრი დაცვის ზონის ფართობი, საზღვრები და დაშვებული საქმიანობები

1. ბუნების მკაცრი დაცვის ზონის ფართობი შეადგენს - 1178.2 ჰა-ს, რომელიც მოიცავს შემდეგ გეოგრაფიულ კოორდინატებს:

№	X	Y	№	X	Y	№	X	Y	№	X	Y
1	735357.9	4594701.57	20	736604.8	4594148	39	737653.7	4592554	58	733793.1	4593672
2	735384.6	4594638.19	21	736656.4	4594001	40	737669.3	4592472	59	733859.5	4593699
3	735410.7	4594514.31	22	736686.8	4593931	41	737768.2	4592433	60	733980.9	4593713
4	735487	4594516.42	23	736687.3	4593932	42	733568.8	4592223	61	734141.2	4593741
5	735562.3	4594531.21	24	736804	4593922	43	733522.3	4592338	62	734297.9	4593781
6	735676	4594566.16	25	736968.8	4593951	44	733514.5	4592422	63	734405.8	4593825



7	735799.7	4594595.43	26	737039.5	4593978	45	733475	4592558	64	734526.3	4593927
8	735853.8	4594618.29	27	737195.7	4593972	46	733423.3	4592693	65	734608.2	4594007
9	735935.4	4594633.51	28	737428	4593819	47	733309.4	4592881	66	734683.7	4594111
10	736022.2	4594622.03	29	737430.4	4593784	48	733245.6	4592999	67	734767.2	4594192
11	736122.9	4594592.44	30	737377.1	4593624	49	733210.1	4593089	68	734808	4594246
12	736224	4594556.51	31	737366.6	4593504	50	733202.1	4593225	69	734870.9	4594330
13	736299.6	4594521.98	32	737399.2	4593306	51	733232.3	4593345	70	734930.6	4594387
14	736384.1	4594473.76	33	737497.9	4593123	52	733269.1	4593430	71	734997.9	4594448
15	736459.5	4594430.95	34	737622.9	4593046	53	733319.5	4593525	72	735083.5	4594514
16	736538.6	4594368.03	35	737617.2	4592936	54	733416.7	4593600	73	735181.5	4594592
17	736573.2	4594282.93	36	737632.1	4592818	55	733562.4	4593633	74	735207.2	4594659
18	735207.4	4594659.5	37	737638.4	4592679	56	733695.2	4593648	75	735206.6	4594659
19	735238	4594779.15	38	735296.3	4594764	57	735357.9	4594702			

მკაცრი დაცვის ზონის საზღვარი წერტილიდან X733568.8 Y4592222.5 წერტილამდე X737768.2 Y4592432.5 მიუყვება საქართველოს სახელმწიფო საზღვარს.

2. მაჭახელას ეროვნული პარკის ბუნების მკაცრი დაცვის ზონაში აკრძალულია ყოველგვარი საქმიანობა, გარდა:

ა) უმნიშვნელო ზეგავლენის მქონე მეცნიერული კვლევა-ძიებისა;

ბ) საგანმანათლებლო საქმიანობისა და გარემოს მონიტორინგისა;

გ) ბიოტექნიკური ღონისძიებებისა (სამარილეების, საკვებურების მოწყობა და სხვა);

დ) დაცვის ღონისძიებების გატარებისა (დაცვის ინფრასტრუქტურისა და სახანძრო პირსების მოწყობა, მავნებლებთან ბიოლოგიური მეთოდებით ბრძოლა).

ე) სასაზღვრო ზოლის მოვლასთან, სასაზღვრო ნიშნების შემოწმებასთან და საქართველოს სახელმწიფო საზღვრის დაცვის ღონისძიებებთან დაკავშირებული საქმიანობისა.

მუხლი 8. მაჭახელას ეროვნული პარკის ბუნების მართვადი დაცვის ზონის ფართობი, საზღვრები და დაშვებული საქმიანობები

1. ბუნების მართვადი დაცვის ზონის ფართობი შეადგენს – 350.9 ჰა-ს, რომელიც მოიცავს შემდეგ გეოგრაფიულ კოორდინატებს:

№	X	Y	№	X	Y	№	X	Y	№	X	Y
1	732716	4593705	16	734661	4594679	30	735726	4595110	44	737131	4595040
2	732791	4593804	17	734710	4594738	31	735786	4595063	45	737127	4594993
3	732982	4593927	18	734778	4594785	32	735853	4595053	46	737124	4594919
4	733258	4594089	19	734865	4594832	33	735886	4595007	47	737120	4594831



5	733329	4594110	20	734969	4594858	34	735942	4595015	48	737110	4594758
6	733515	4594182	21	735250	4594890	35	735993	4595004	49	737191	4594640
7	733648	4594180	22	735096	4594882	36	736085	4595024	50	737269	4594565
8	733775	4594178	23	735302	4595033	37	736203	4595024	51	737346	4594388
9	733920	4594210	24	735314	4595128	38	736346	4595014	52	737403	4594249
10	734071	4594302	25	735351	4595116	39	736481	4594990	53	737481	4594024
11	734243	4594385	26	735532	4595164	40	736588	4594976	54	737556	4593905
12	734296	4594423	27	735627	4595193	41	736712	4594995	55	737706	4593728
13	734548	4594570	28	735683	4595223	42	736902	4595050	56	737773	4593614
14	737700	4593202	29	735720	4595186	43	737053	4595096	57	737720	4593321
15	737661	4593096									

მართვადი დაცვის ზონის საზღვარი წერტილიდან X732716.4771 Y4593704.8847 წერტილამდე X733568.8 Y4592222.5 მიუყვება საქართველოს სახელმწიფო საზღვარს, ხოლო წერტილიდან X733568.8 Y4592222.5 წერტილამდე X737622.8 Y4593045.6 ესაზღვრება მკაცრი დაცვის ზონას.

2. მაჭახელას ეროვნული პარკის ბუნების მართვადი დაცვის ზონაში აკრძალულია ყოველგვარი საქმიანობა, გარდა:

ა) ტერიტორიაზე ეკოლოგიური წონასწორობის შენარჩუნებისა;

ბ) ტერიტორიაზე არსებული ეკოსისტემებისა და მის ფარგლებში გავრცელებულ გარეულ ცხოველთა და ველურ მცენარეთა სახეობების დაცვის, მოვლისა და აღდგენისა;

გ) ტერიტორიის ჰიდროლოგიური დაცვისა და მონიტორინგისა; დეგრადირებული ეკოსისტემების დაცვისა და აღდგენისა;

დ) არამანიპულაციური და მანიპულაციური სამეცნიერო კვლევისა;

ე) საგანმანათლებლო საქმიანობისა;

ვ) ადგილობრივი მოსახლეობისათვის ამ წესით განსაზღვრული რესურსებით სარგებლობის დროს, ტურისტების გადაადგილებისა, სამსახურებრივი მოვალეობის განხორციელების მიზნით, ავტო-მოტო სატრანსპორტო საშუალებებით შეზღუდული გადაადგილებისა;

ზ) მონიტორინგის სამუშაოთა წარმოებისა;

თ) საკადასტრო სამუშაოთა განხორციელებისა;

ი) უმოტორო ტრანსპორტით გადაადგილებისა;

კ) ვიზიტორთა ყოფნისა და გადაადგილებისა;

ლ) ადგილობრივი მოსახლეობის სასმელი წყლით უზრუნველყოფისა;

მ) დაცვისა და ეკოტურიზმისათვის აუცილებელი ინფრასტრუქტურის შექმნისა და სარგებლობისა;

ნ) აქტიური დაცვის ღონისძიებების გატარებისა (დაცვის ინფრასტრუქტურისა და სახანძრო პირსების მოწყობა, მავნებლებთან ბიოლოგიური მეთოდებით ბრძოლა);



ო) ხანძრებისგან და მავნებელი დაავადებებისაგან დაცვის მიზნით, ტყის ჩახერგილობისგან გაწმენდისა და გამხმარი ზეხმელი ხეების მოჭრისა და გატანისა;

პ) ხანძრებისა და მავნებელი დაავადებებისაგან დაცვის მიზნით გამოტანილი ხე-ტყით მაჭახელას ეროვნული პარკის საზღვართან არსებულ დასახლებულ ადგილებში მცხოვრები ადგილობრივი მოსახლეობის, სოციალური ჭრის წესებით განსაზღვრული მოთხოვნების ფარგლებში, დაკმაყოფილებისა;

ჟ) საქართველოს სასაზღვრო პოლიციისათვის კანონმდებლობით განსაზღვრული სასაზღვრო პოლიციური ღონისძიებების განხორციელებასთან დაკავშირებული საქმიანობისა.

მუხლი 9. მაჭახელას ეროვნული პარკის ბუნების ტრადიციული გამოყენების ზონის ფართობი, საზღვრები და დაშვებული საქმიანობები

1. მაჭახელას ეროვნული პარკის ტრადიციული გამოყენების ზონა შეადგენს 7203,9 ჰა-ს, რომელიც მოიცავს მაჭახელას ეროვნული პარკის ტერიტორიის იმ ნაწილს, რომელიც არ არის განსაზღვრული ამ წესის მე-7 და მე-8 მუხლებით.

2. ტრადიციული გამოყენების ზონაში აკრძალულია ყოველგვარი საქმიანობა, გარდა:

ა) ტერიტორიაზე ეკოლოგიური წონასწორობის შენარჩუნებისა;

ბ) ტერიტორიაზე არსებული ეკოსისტემებისა და მის ფარგლებში გავრცელებულ გარეულ ცხოველთა და ველურ მცენარეთა სახეობების დაცვის, მოვლისა და აღდგენისა;

გ) ტერიტორიის ჰიდროლოგიური დაცვისა და მონიტორინგისა; დეგრადირებული ეკოსისტემების დაცვისა და აღდგენისა;

დ) არამანიპულაციური და მანიპულაციური სამეცნიერო კვლევისა;

ე) საგანმანათლებლო საქმიანობისა;

ვ) ადგილობრივი მოსახლეობისათვის ამ წესით განსაზღვრული რესურსებით სარგებლობის დროს, ტურისტების გადაადგილებისა, სამსახურებრივი მოვალეობის განხორციელების მიზნით, ავტო-მოტო და საჰაერო სატრანსპორტო საშუალებებით შეზღუდული გადაადგილებისა;

ზ) მონიტორინგის სამუშაოთა წარმოებისა;

თ) საკადასტრო სამუშაოთა განხორციელებისა;

ი) უმოტორო ტრანსპორტით გადაადგილებისა;

კ) ვიზიტორთა ყოფნისა და გადაადგილებისა;

ლ) მიმდებარე დასახლებული პუნქტების მოსახლეობის პირადი მოხმარებისათვის, საქართველოს კანონმდებლობით დადგენილი წესით, პირადი მოხმარების მიზნით, ტყის არამერქნული რესურსებით სარგებლობის, ტყის მერქნიანი მცენარეების პროდუქტებით სარგებლობის, ხის მეორეხარისხოვანი მასალებით სარგებლობის, სოციალური ჭრების შედეგად მიღებული მერქნით სარგებლობის (არსებული რესურსის გათვალისწინებით გამოყოფილი ტყეკაფიდან ერთ კომლზე გაიცემა 10 მ³-მდე საშუალო მერქანი), მოვების, საქართველოს მთავრობის 2010 წლის 20 აგვისტოს №242 დადგენილებით დამტკიცებული „ტყითსარგებლობის წესის“ 27¹ მუხლის „ა“, „ბ“, „გ“, „დ“ (მხოლოდ მიწისქვეშა წყლების სარგებლობისას), „ე“ და „ზ“ ქვეპუნქტებით განსაზღვრულ შემთხვევებში, სპეციალური დანიშნულებით ტყითსარგებლობისა და საქართველოს კანონმდებლობით დაშვებული სხვა საქმიანობისა;

მ) ადგილობრივი მოსახლეობის მიერ ფუტკრის სკების განთავსებისა, თუ საჭირო არ არის ხე-მცენარეების გაკაფვითი სამუშაოები;

ნ) ტრადიციულ საზაფხულო სამოვრებზე (ასეთის არსებობის შემთხვევაში) მწყემსებისთვის და ტურისტებისთვის ტრადიციული თავშესაფრების, აგრეთვე შინაურ ცხოველთა სადგომების მოწყობისა;

ო) ტყით დაუფარავ ფართობებზე თიბვისა;



პ) ადგილობრივი მოსახლეობის სასმელი წყლით უზრუნველყოფისა;

ჟ) დაცვისა და ეკოტურიზმისათვის აუცილებელი ინფრასტრუქტურის შექმნისა და სარგებლობისა;

რ) აქტიური დაცვის ღონისძიებების გატარებისა (დაცვის ინფრასტრუქტურისა და სახანძრო პირსების მოწყობა, მავნებლებთან ბიოლოგიური მეთოდებით ბრძოლა);

ს) კანონმდებლობით დაშვებული სხვა საქმიანობისა.

3. მაჭახელას ეროვნული პარკის ფარგლებში მოქცეულ სასაზღვრო ზონასა და ზოლში საქმიანობა ხორციელდება „საქართველოს სახელმწიფო საზღვრის შესახებ“ საქართველოს კანონის საფუძველზე დადგენილი სასაზღვრო ზონისა და ზოლის რეჟიმის შესაბამისად.

მუხლი 10. მიწათსარგებლობა ეროვნული პარკის ტერიტორიაზე

მაჭახელას ეროვნული პარკის საზღვრების ფარგლებში იკრძალება მიწის ნაკვეთის სარგებლობაში გადაცემა, გარდა „დაცული ტერიტორიების უძრავი ქონების სარგებლობაში გადაცემისას საწყისი სააუქციონო ფასის განსაზღვრისა და აუქციონის ჩატარების შესახებ დებულების დამტკიცების თაობაზე“ საქართველოს მთავრობის 2013 წლის 22 მაისის №125 დადგენილებით დამტკიცებული „დაცული ტერიტორიების უძრავი ქონების სარგებლობაში გადაცემისას საწყისი სააუქციონო ფასის განსაზღვრისა და აუქციონის ჩატარების შესახებ“ დებულებით განსაზღვრული შემთხვევებისა.

მუხლი 11. ცხოველთა სამყაროს დაცვა ეროვნული პარკის ტერიტორიაზე

1. მაჭახელას ეროვნული პარკის ტერიტორიაზე ცხოველთა სამყაროს დაცვა ხორციელდება განსაზღვრული რეჟიმის შესაბამისად – „ცხოველთა სამყაროს შესახებ“ საქართველოს კანონით გათვალისწინებულ ცხოველთა სამყაროს დაცვის მოთხოვნათა საფუძველზე.

2. ეროვნული პარკის მთელ ტერიტორიაზე აკრძალულია ნადირობა და აგრეთვე ცხოველთა სამყაროს ობიექტებით სხვაგვარი სარგებლობა.

3. ეროვნული პარკის ტრადიციული გამოყენების ზონაში სტიქიური უბედურებისა და კატასტროფის სალიკვიდაციო ღონისძიებათა განხორციელების ფარგლებში, საფრთხის წინაშე მყოფი ცხოველების სახეობათა გადარჩენის, გენოფონდის რეზერვაციის შექმნა ან ვეტერინარული მიზნით გარეული ცხოველების დაჭერა ხორციელდება „ცხოველთა სამყაროს შესახებ“ საქართველოს კანონის მე-19 მუხლის მე-3 პუნქტის შესაბამისად.

მუხლი 12. მაჭახელას ეროვნული პარკის ტერიტორიის მართვა

1. მაჭახელას ეროვნული პარკის ტერიტორიის მართვას ახორციელებს საქართველოს გარემოსა და ბუნებრივი რესურსების დაცვის სამინისტროს სსიპ – დაცული ტერიტორიების სააგენტო მაჭახელას ეროვნული პარკის ადმინისტრაციის მეშვეობით.

2. სახელმწიფო საზღვრის დაცვის ინტერესებიდან გამომდინარე, სასაზღვრო ზოლში პირების გადაადგილებას მაჭახელას ეროვნული პარკის ადმინისტრაცია ათანხმებს საქართველოს შინაგან საქმეთა სამინისტროს სასაზღვრო პოლიციის ადგილობრივ ორგანოებთან.

მუხლი 13. ფუნქციონირების დროებითი რეგულირების წესისმოქმედების ვადა

დროებითი რეგულირების წესის მოქმედების ვადა ძალაშია მაჭახელას ეროვნული პარკის ახალი სამენეჯმენტო გეგმის, საქართველოს კანონმდებლობით დადგენილი წესით, დამტკიცებამდე.

მუხლი 14. მაჭახელას ეროვნული პარკის ტერიტორიის მაჭახელას ეროვნული პარკის ადმინისტრაციის გამგებლობაში გადაცემა

მაჭახელას ეროვნული პარკის ტერიტორიის მაჭახელას ეროვნული პარკის ადმინისტრაციის გამგებლობაში გადაცემის მომენტად ითვლება აჭარის ავტონომიური რესპუბლიკის სსიპ – აჭარის სატყეო სააგენტოსთან გაფორმებული საბოლოო მიღება-ჩაბარების აქტი.

